

## थाली भरकर लाई रे खींचड़ी ....

थाली भरकर लाई रे खींचड़ों, ऊपर घी की बाटकी,  
जीमो म्हारा श्याम धणी, जिमावे बेटी जाट की।  
करमा बेटी जाट की, आ करमा बेटी लाडकी॥

जीमों म्हारा ....

बाबो म्हारो गाँव गयो है, ना जाणे कद आवेला,  
उणरे भरोसे बैठो साँवरां, भूखो ही रह जावेला।  
आज जिमाऊँ थने खींचड़ो, काल राबड़ी छछ की॥

जीमों म्हारा ....

बार-बार मंदिर ने जड़ती, बार-बार पट खोलती,  
कईयाँ कोनी जीमे रे मोहन, करडी-करडी बोलती।  
तू जीमें जद मैं जीमूली, मानूँ ना मैं लाट की॥

जीमों म्हारा ....

गरजाँ करती-करती करमा, भैरूरी बिलिया व्है गई,  
क्यूँ तरसावे थाली साँवरा, काई गलती व्है गई।  
छप्पन भोग जीमता थाँरी, आदत पड़ गई चाट की॥

जीमों म्हारा ....

परदो भूल गई साँवरिया, परदो फेर लगायो जी,  
धाबलिया री ओट बैठकर, श्याम खींचड़ो खायोजी।  
भोला भाला भक्तां सूँ साँवरियो, कैय्यां आँट की॥

जीमों म्हारा ....

भक्ति हो तो करमा जैसी, साँवरियो घर आवेला,  
सबही मिलकर हरष-हरष कर, प्रभुजी रा गुण गाँवाला।  
साचो प्रेम प्रभु से हो तो, मूरत बोले काठ की॥

जीमों म्हारा ....